

PRÓF Í VERÐBRÉFAVIÐSKIPTUM

I. HLUTI

Viðfangsefni úr fjármunarétti

Prófnúmer próftaka:

Námsgrein til prófs:

VIÐFANGSEFNI ÚR FJÁRMUNARÉTTI (40%)

ATH. Prófið er þrískipt: Viðfangsefni úr fjármunarétti (40%), félagaréttur (40%) og ábyrgðir (20%)

Prófdagur:

2. nóvember 2016

Kl.: 16:00 til 20:00

Próftími alls:

4 klst.

Prófblöð 3
vegna þessa
hluta
prófsins þmt.
forsíða:

Leyfileg hjálpargögn:

Lög og reglugerðir

Fylgiblöð: Engin

Leiðbeiningar: Lestu spurningarnar vel áður en þú svarar og farðu vandlega yfir úrlausnir áður en þú skilar þeim inn. Ekki er ætlast til að próftakar láti kalla til umsjónarmann prófs, en gera má ráð fyrir að hann komi tvisvar á prófstað, á fyrstu og síðustu klukkustund próftíma. Með prófstað er átt við auglýstan prófstað verðbréfavíðskiptaprófs.

Ef prófið fer fram í tölvuveri er úrlausnum skilað á rafrænu formi.

Ef prófi er skilað í Excel forriti skal sýna alla útreikninga og líta þá Excel-reiti sem innihalda svör gula.

SÝNA BER SKILRÍKI VIÐ UPPHAF PRÓFS.

ÖLL PRÓFBLÖÐ OG ALLAR PRÓFARKIR SKAL SKILMERKILEGA AUÐKENNA MEÐ PRÓFNÚMERI.

Í LOK PRÓFS SKAL PRÓFBLAÐI OG LAUSUM PRÓFÖRKUM SKILAÐ.

VANDAÐU FRÁGANG.

GANGI ÞÉR VEL.

1. Raunhæft verkefni (15,0%)

A og B skuldbundu sig nýverið til að leggja til fé, í formi hlutafjár, til félagsins X hf., sem mun vera fjárfestingarsjóður. Féð átti að nýta til kaupa X hf. á öllum hlutum í félaginu Y hf. af C. A og B telja sig hins vegar hafa rökstuddan grun um að ekki sé allt með felldu í rekstri X hf. og jafnvel refsiverðri háttsemi til að dreifa í rekstri X hf. Af þeim sökum vilja A og B ekki standa við samning sinn við X hf. um að leggja félaginu til hlutafé. Framangreint mun þá hins vegar verða þess valdandi að X hf. mun ekki geta efnt skyldur sínar gagnvart C um kaup á öllu hlutafé í Y hf.

- (i) Takið rökstudda afstöðu til þess, út frá þekkingu ykkar á reglum samninga-, kröfu- og skaðabótaréttar, hvaða úrræði/reglur A og B gætu reynt að bera fyrir sig gagnvart X hf. til að losna undan skuldbindingu sinni. (7,5%)
- (ii) Takið rökstudda afstöðu til þess, út frá þekkingu ykkar á reglum samninga-, kröfu- og skaðabótaréttar, hvaða úrræði/reglur C gæti reynt að bera fyrir sig gagnvart X hf., ef X hf. vanefnir skuldbindingu sína um kaup á öllum hlutum í Y hf. (5,0%)
- (iii) Takið rökstudda afstöðu til þess, út frá þekkingu ykkar á reglum samninga-, kröfu- og skaðabótaréttar, hvaða úrræði/reglur C gæti reynt að bera fyrir sig gagnvart A og B, ef X hf. vanefnir skuldbindingu sína um kaup á öllum hlutum í Y hf. (2,5%)

2. Ritgerð (15,0%)

Svarið *annað hvort* spurningu A eða B.

- A) Lýsið helstu tegundum vanefnda og vanefndaúrræða.
- B) Lýsið stuttlega eftirfarandi: (i) aðilaskiptum að kröfuréttindum, (ii) sakarreglunni, og (iii) sjónarmiðum um túlkun löggæringa.

3. Krossar (10,0%)

Athugið eftirfarandi:

- (i) Hver kross vegur 1,0%.
- (ii) Dregið er frá 1,0% fyrir hvert rangt svar.
- (iii) Sé látið hjá líða að svara telst svarið hvorki rétt né rangt.
- (iv) Aðeins einn svarmöguleiki telst réttur.

1. Með miskabótum er vísað til fjárhagslegs tjóns.

- ☐ Rétt
- ☐ Rangt

2. Með brostnum forsendum (forsendukenningunni) er vísað til orðaðrar ákvörðunarástæðu í samningi.

- ☐ Rétt
- ☐ Rangt

3. A og B geta að jafnaði ekki með samningi sín á milli lagt byrðar á þriðja mann (C).

- ☐ Rétt
- ☐ Rangt

4. Samningur og tilboð hafa sömu merkingu.

- ☐ Rétt
- ☐ Rangt

5. Krafa kann að vera fallin niður þótt hún teljist ófyrnd.

- ☐ Rétt
- ☐ Rangt

6. Af reglum skaðabótaréttar kann að leiða, að enda þótt saknæmri háttsemi og tjóni sé fyrir að fara þá geti tjónþoli þurft að sæta því að fá tjón sitt ekki bætt.

☐ Rétt

☐ Rangt

7. Umboð vísar til þess þegar umboðsmaður gerir samning í eigin nafni gagnvart þriðja manni C.

☐ Rétt

☐ Rangt

8. Ógildur löggerningur getur ekki orðið grundvöllur skaðabóta.

☐ Rétt

☐ Rangt

9. Ekki er hægt að krefjast riftunar samhliða því að krefjast rétttra efnda (efnda in natura).

☐ Rétt

☐ Rangt

10. Réttarverkanir ógildingar annars vegar og riftunar hins vegar geta verið frábrugðnar í fjárhagslegu tilliti.

☐ Rétt

☐ Rangt